

VENDIM
Nr. 197, datë 11.4.2018

PËR DISA SHTESA DHE NDRYSHIME NË VENDIMIN NR. 584, DATË 28.8.2003, TË
KËSHILLIT TË MINISTRAVE,
“PËR MIRATIMIN E RREGULLORES
SË KËSHILLIT TË MINISTRAVE”,
TË NDRYSHUAR

Në mbështetje të nenit 100 të Kushtetutës dhe të neneve 23, pika 2, 24, pika 4, e 25, pika 4, të ligjit nr. 9000, datë 30.1.2003, “Për organizimin dhe funksionimin e Këshillit të Ministrave”, me propozimin e Kryeministrit, Këshilli i Ministrave

VENDOSI:

I. Në tekstin e rregullores bashkëlidhur vendimit nr. 584, datë 28.8.2003, të Këshillit të Ministrave, të ndryshuar, bëhen këto shtesa dhe ndryshime:

1. Pas shkronjës “c”, të pikës 8, të kreut II, “Nisma për projektaktin”, shtohet shkronja “ç”, me këtë përmbajtje:

“ç) ndikimet e mundshme ekonomike, financiare, sociale dhe mjedisore;”.

2. Në kreun III, “Përgatitja e projektaktit”, bëhen shtesat e mëposhtme:

a) Pas shkronjës “d”, të pikës 12, shtohet shkronja “dh”, me këtë përmbajtje:

“dh) ndikimet ekonomike, financiare, sociale dhe mjedisore të pritshme;”.

a) Në pikën 16, pas fjalëve “... strukturat përgjegjëse përpilojnë ...” shtohen “... raportin e vlerësimit të ndikimit të projektaktit, sipas shtojcës 2 bashkëlidhur këtij vendimi, ...”.

c) Në pikën 17, pas fjalëve “... shqyrtimit të projektaktit ...” shtohen “... raportit të vlerësimit të ndikimit të tij ...”.

ç) Në pikën 18, pas fjalëve “... projektakti i dërguar për mendim duhet të shoqërohet me ...” shtohen “... raportin e vlerësimit të ndikimit të plotësuar ...”.

3. Në kreun IV, “Dhënia e mendimeve për projektaktin”, bëhen ndryshimet e mëposhtme:

a) Pika 22/1 shfuqizohet.

b) Pika 23 ndryshohet, si më poshtë vijon:

“23. Nëse projektakti shoqërohet me efekte financiare në të ardhurat dhe shpenzimet e buxhetit të shtetit, në çdo rast i dërgohet për mendim ministrit përgjegjës për financat dhe, sipas rastit, ministrit përgjegjës për ekonominë.”.

c) Në pikën 24, fjalët “... Ministrit të Ekonomisë dhe sipas rastit, ministrit të Financave ...” zëvendësohen me “... ministrit përgjegjës për ekonominë dhe, sipas rastit, ministrit përgjegjës për financat ...”.

ç) Në pikën 25, fjalët “... ministri/t i/të Integritimit Evropian” zëvendësohen me fjalët “... ministri/t përgjegjës për çështjet e integritimit evropian...”.

d) Në pikën 26, fjalët “... Ministrit të Punëve të Jashtme ...” zëvendësohen me “... ministrit përgjegjës për punët e jashtme ...”.

dh) Pika 27 ndryshohet, si më poshtë vijon:

“27. Projektaktet me përmbajtje shoqërore, me efekte në burime njerëzore, i dërgohen për mendim ministrit përgjegjës për punën dhe ministrit përgjegjës për çështjet sociale, si dhe Departamentit të Administratës Publike.”.

2. Në kreun V, “Bashkërendimi i projektakteve”, bëhen ndryshimet dhe shtesa e mëposhtme:

a) Fjalja e dytë, e pikës 28, ndryshohet, si më poshtë vijon:

“Për ministrin e Drejtësisë, ministrin përgjegjës për çështjet e integritimit evropian dhe ministrin përgjegjës për financat, ky afat është 10 (dhjetë) ditë pune.”.

b) Në pikën 29, pas fjalëve “... për çështje teknike të formës dhe përmbajtjes së projektaktit ...” shtohen “... raportit të vlerësimit të ndikimit të tij ...”.

c) Në pikën 30, fjalët “... në pikat 22/1 deri 27 ...” zëvendësohen me “... në pikat 23 deri 27 ...”.

ç) Në pikën 31, emërtimet “ministrit të Integritimit Evropian” dhe “Ministria e Integritimit Evropian” zëvendësohen, përkatësisht, me fjalët “... ministrit përgjegjës për çështjet e integritimit evropian ...” dhe “... ministria përgjegjëse për çështjet e integritimit evropian ...”.

d) Në shkronjën “b”, të pikës 36, fjalët “... ose ministrit të shtetit të ngarkuar me koordinimin qeveritar ...” hiqen.

5. Në kreun VI, “Paraqitja e projektakteve për shqyrtim në Këshillin e Ministrave”, bëhen shtesat e

mëposhtme:

- a) Në pikën 44, pas fjalës "... projektakti ..." shtohen fjalët "... raporti i vlerësimit të ndikimit...".
- b) Në shkronjën "b", të pikës 45, fjalët "... të kreut të katërt ..." zëvendësohen me "... të kreut të tretë ...".
- c) Pas shkronjës "ç", të pikës 45, shtohet shkronja "d", me këtë përmbajtje:
"d) Raportin e vlerësimit të ndikimit të projektaktit, sipas formatit në shtojcën 2, bashkëlidhur këtij vendimi."
- ç) Pas pikës 45 shtohet pika 45/1, me këtë përmbajtje:
"45/1. Përfshihen nga detyrimi i kryerjes së vlerësimit të ndikimit sipas shkronjës "d", të pikës 45, të këtij vendimi, projektaktet që kanë të bëjnë me një nga kategoritë e mëposhtme:
 - a) Projektakte që trajtojnë çështje, të cilat lidhen me informacionin e klasifikuar shtetëror, çështje të sigurisë kombëtare dhe organizatat ndërkombëtare të sigurisë;
 - b) Projektakte që lidhen me situata emergjente, fatkeqësi natyrore apo gjendje të krizës;
 - c) Projektakte që lidhen me marrëdhëniet ndërkombëtare dhe diplomatike, veçanërisht ratifikime të marrëveshjeve ndërkombëtare apo çështje që rrjedhin nga konventat ndërkombëtare;
 - ç) Projektakte që lidhen me menaxhimin buxhetor, projektligji për buxhetin vjetor dhe aktet nënligjore që dalin në zbatim të tij, projektaktet që lidhen me programimin buxhetor afatmesëm, projektaktet që prekin tatimet dhe tarifën doganore;
 - d) Projektakte që prekin legjislacionin penal;
 - dh) Projektakte që kanë efekt zbatimi të përkohshëm dhe kalimtar."
- d) Në shkronjën "b", të pikës 47, pas fjalëve "... për përgatitjen dhe hartimin e projektakteve ..." shtohen "... raportit të vlerësimit të ndikimit ...".

II. Në shtojcën "Modeli i relacionit dhe i tabelës së përputhshmërisë së projektaktit normativ me *Acquis* të Bashkimit Evropian", që i bashkëlidhet tekstit të rregullores, emërtimi "Ministritë së Integritimit Evropian" zëvendësohet me fjalët "... ministritë përgjegjëse për çështjet e integritimit evropian ...".

III. Dispozita kalimtare

1. Përfshihet, për vitin 2018, do t'i nënshtrohen procesit të vlerësimit të ndikimit vetëm projektligjet e përcaktuara nga Sekretari i Përgjithshëm i Këshillit të Ministrave, sipas programit të përgjithshëm analitik të projektakteve për vitin 2018.

2. Deri në vitin 2019, projektaktet që do t'i nënshtrohen procesit të vlerësimit të ndikimit, do të jenë vetëm projektligjet."

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Senida Mesi

RAPORTI I VLERËSIMIT TË NDIKIMIT	
EMËRTIMI I PROPOZIMIT TË POLITIKËS	Projektligji për ...
MINISTRIA UDHËHEQËSE	Ministria e ...
FAZA E POLITIKËS/E VLERËSIMIT TË NDIKIMIT	Zhvillim/konsultim/finalë
BURIMI I PROPOZIMIT TË POLITIKËS	I brendshëm/transpozim i BE-së/ndërkombëtar
DIREKTIVË/RREGULLORE E BE-së	Direktiva XXX e BE-së/jo e zbatueshme
PUBLIKIMET DHE STRATEGJITË E LIDHURA	[Jepni titullin e strategjisë ose të dokumentit të politikave që ka të bëjë me projektligjin]
DATA E KONSULTIMIT PUBLIK	[Data/asnjë konsultim publik]
DATA E VLERËSIMIT TË NDIKIMIT	[Data e përfundimit të vlerësimit të ndikimit/data kur është përgatitur versioni i fundit të vlerësimit të ndikimit]
A E KA SHQYRTUAR KRYEMINISTRIA VLERËSIMIN E NDIKIMIT?	XXXX
NËSE PO, JEPNI DATËN E SHQYRTIMIT	
NUMRI I VLERËSIMIT TË NDIKIMIT	[Viti – ML- nr. VN]
TE DHËNA KONTAKTI (EMRI, E-MAIL-I, NUMRI I TELEFONIT TË PERSONIT TË KONTAKTIT)	Emri, mbiemri, e-mail-i dhe numri i telefonit:
PJESA 1. PËRMBLEDHJE EKZEKUTIVE (Maksimumi 2 faqe)	

- Shpjegoni se çfarë shpreson të trajtojë qeveria nëpërmjet kësaj ndërhyrjeje.
- Identifikoni shkallën e ndërhyrjes së qeverisë që nevojitet për të trajtuar problemin.
- Shpjegoni se si i mbështet kjo ndërhyrje objektivat e nivelit të lartë të qeverisë.
- Rendisni punën ekzistuese që është realizuar tashmë.

Objektivi i politikës

- Vendosi objektiva që korrespondojnë me problemin dhe shkaqet e tij.
- Sigurohuni që objektivat janë specifike, të matshëm, të arritshëm, realë dhe në kohë.

Përshkrimi i opsioneve të shqyrtuara

- Përshkruani opsionin e status quo-së.
- Identifikoni dhe përshkruani të gjitha opsionet e politikave që keni marrë parasysh.
- Shpjegoni se si janë zgjedhur opsionet e renditura.

Vlerësimi i opsioneve/analizimi i ndikimeve

- Identifikoni se kush preket.
- Identifikoni llojet e ndikimeve për secilin grup të prekur; bëni dallimin midis ndikimeve të drejtpërdrejta dhe jo të drejtpërdrejta.
- Për ndikimet e drejtpërdrejta:
 - Përshkruani nga ana cilësore ndikimet e drejtpërdrejta mbi grupet e prekura.
 - Analizoni nga ana sasiore ndikimet më të rëndësishme të drejtpërdrejta.
 - Përcaktoni vlerën monetare të ndikimeve më të rëndësishme të drejtpërdrejta aty ku është e mundur (shih aneksin 1/a për tabelën që mund të përdorni).
 - Analizoni ndikimin mbi ndërmarrjet e vogla dhe të mesme.
- Për ndikimet jo të drejtpërdrejta:
 - Përshkruani nga ana cilësore ndikimet jo të drejtpërdrejta mbi grupet e prekura.
 - Analizoni ndikimin mbi konkurrencën.
 - Diskutoni kufizimin e analizës:
 - Jepni supozimet në të cilat janë bazuar parashikimet dhe risqet, të cilave ato u nënshtrohen.
 - Tregoni sa të forta, të pavarura dhe të rëndësishme janë provat që mbështesin supozimet.
 - Tregoni se çfarë mund të pengojë realizimin e përfitimëve, të rrisë kostot ose të sjellë pasoja të papritura.
 - Përmbledhni vlerësimin e opsioneve:
 - Paraqisni një pasqyrë përmbledhëse të të gjitha ndikimeve të opsioneve të analizuar.
 - Shpjegoni se si ndikimet e të gjitha opsioneve të analizuara krahasohen me njëra-tjetrën.
 - Paraqisni përlogaritjet më të mira të përgjithshme neto të ndikimit me vlerë monetare të përcaktuar për çdo opsion (shih aneksin 1/b për tabelën që mund të përdorni).

[illegible]

Arsyetimi i opsionit të preferuar

- Zgjidhni opsionin e preferuar, bazuar në analizë.
- Shpjegoni arsyetimin tuaj.

[illegible]

Çështje të zbatimit

- Shpjegoni se cila njësi do të jetë përgjegjëse për zbatimin e opsionit të zgjedhur.
- Shpjegoni pengesat e mundshme për zbatimin e opsionit të zgjedhur.
- Përbërësi masat që do të ndërmerren gjatë zbatimit për të arritur qëllimet e politikës.
- Specifikoni të gjitha kërkesat e përputhshmërisë dhe të zbatimit.

[illegible]

Faza e shqyrtimit/vlerësimit

- Jepni një përshkrim të përmbledhur të masave të monitorimit dhe të vlerësimit.
- Identifikoni kriteret/treguesit për të matur arritjen e qëllimeve ose progresin drejt tyre.

[illegible]

Raporti i vlerësimit të ndikimit - Shtojca 2/a

Tabela. Vlera aktuale neto në total (VAN) - kostot dhe përfitimet me vlerë monetare të

përcaktuar në milionë lekë e zbritur për 10 vjet (vlera aktuale e kostos dhe vlera aktuale e përfitimit); krahasuar me status quo-në.

	Viti 1	Viti 2	Viti 3	Viti 4	Viti 5	Viti 6	Viti 7	Viti 8	Viti 9	Viti 10
Faktori zbritës										
Kostoja për buxhetin – një herë										
Kostoja për buxhetin – në vazhdim										
Kostoja për biznesin – një herë										
Kostoja për biznesin – në vazhdim										
Kostoja për grupet e tjera – një herë										
Kostoja për grupet e tjera – në vazhdim										
Kostoja në total										
Kostoja e zbritur në total = Kostoja në total x faktorin zbritës										
Përfitimi për buxhetin – në vazhdim										
Përfitimi për biznesin – një herë										
Përfitimi për biznesin – në vazhdim										
Përfitimi për grupet e tjera – njëherë										
Përfitimi për grupet e tjera – në vazhdim										
Kostoja për buxhetin – në vazhdim										
Përfitimi në total										
Përfitimi i zbritur në total = Përfitimi në total x faktorin zbritës										
Vlera aktuale e kostos në total										
Vlera aktuale e përfitimit në total										
Vlera aktuale neto (VAN) = Vlera aktuale e përfitimit në total – Vlera aktuale e kostos në total										

Raporti i vlerësimit të ndikimit - Shtojca 2/b

Tabelë. Vlera aktuale neto në total e çdo opsioni

Opsioni	Vlera aktuale në milionë lekë		Vlera aktuale neto në milionë lekë
	Kostoja	Përfitimi	
Opsioni 1			
Opsioni 2			